

西圃集卷四

山塘漫興 丁巳

吳縣潘遵祁順之



一條春水綠黏天弱柳初黃便有煙點染衣香纔七里
消磨劍氣已千年病餘忽動看山思忙裏誰尋避世緣
碧瓦朱闌零落盡巖扉深鎖第三泉

雨中遣病

紛紛塵壒幾時刪一雨還兼病掩關藥石不靈空有弊
神仙無術止能閒頗欣盡謝門前客猶恨偏疏郭外山
清絕草堂容偃仰要師竹健與松頑

西圃集卷四

自題病榻臥遊圖

向平未老完婚嫁五岳蹉跎愧壯游贏得藥爐相伴侶
法書名畫是熏修

徐健菴先生東山著書圖

聖代文章煥名臣著作作宏自天攜祓笈此地即仙瀛
楮墨飛千嶂煙霞領百城山靈擅靈寶應亦羨殊榮

兄弟皆崑璞公尤稟異姿謗書臣感泣優詔帝詢咨
特荷宸章寵還容俊侶隨明良千載遇展卷欲神移

先生既得請時方纂一統志未竟仁廟命攜書即家
編輯並御書光猷萬丈扁額以寵其行先生又請以
纂修官姜宸英黃虞稷從詔許之

徐俟齋先生草堂避暑畫卷

昔游會訪草堂址祕篋又獲草堂圖

余藏先生自繪
澗上草堂圖

堂之靈渺千古清風妙墨傾吾徒閉門日與青山對夕

靄朝霏紛作態一枝枯管不媚世興來壓倒荆關輩先

生於畫實寄託先生之畫與名卓胸中自有指南鍼

先生

卷中自
題語

俯視浮雲滿林壑此卷揮毫得意成自吟自賞
苦分明草堂六月清無暑想見煙霞腕底生

余五十初度養痾山中星齋弟寄詩六首次韻奉

答弟亦五十且伉儷同庚卽以祝之

春風童冠憶追尋翰墨因緣互賞心一自玉堂分手後

西圃集卷四

二

何妨鐘鼎與山林

短筇小笠許婆娑偕隱湖山占一窩莫怪閒身甘葑落

霜痕已覺鬢邊多

庭柯徒倚不勝情花竹滋培尙向榮三十年來一回首

松間記得讀書聲

南北幾番重賦別家園難得又相親黑頭自繫蒼生望

拭眼東山再出人

清白家傳祖澤長臣門如市只心涼蘭階手進延年頌

笑看宮袍拜錦堂

蓬壺深處近

丹除百歲齊眉共起居爭羨鷗波仙館

裏雙枝班管一牀書

西圃雜花不斷戲詠

無多圃隙雜英饒不羨山塘送滿挑水木樨香風裏靜
早金蓮色雨餘嬌舊栽石竹開籬腳新引絲瓜過樹腰
生意眼前須領略呼童頻汲澗泉澆

四時山家雜興

昔石湖居士沈疴稍紓復至石湖舊隱野外卽
事輒書一絕得詩六十首題曰四時田園雜興
余今病亦百八十日矣山居習靜時過小滿天
尙餘寒閉門之暇輿到偶拈得二十四絕句題
曰四時山家雜興非敢妄希前哲聊以寫其無
聊懶散之思云爾

山居最好是新年第一寒梅獨占先十日餐眠香雪裏

西圃集卷四

三

暖風已作早春天

藝植須從歲始勤轉塗飛貼趁春分樹秧看得如鍼細

會解干霄更拂雲

欲移樹先剷斷四圍老根如舊灌壩
次年乃移之曰轉塗欲樹生果盡去

枝條而髡之剷細幹剪他樹易實之
條插入泥封之數旬卽抽芽曰飛貼

棠梨花發雨冥冥上冢船來泊晚汀指點那家好松樹

松顛斜日照冬青

杏花開後是桃花爲訪仙源取路賒試上石樓看聚塢

一重青嶂一重霞

屋後山園一畝寬交柯接葉露溥溥鼠姑開向疏林下

卻當尋常野卉看

兒童力未任，胼胝淺，管輕鎌已慣。攜薤草，刪枝無棄物，都收豚柵與雞栖。

立夏纔過梅市，囂腰錢估客，聚輕舫。枝頭尙有消梅綻，價比青梅一倍高。

一月飽參燒筍味，三春忙過焙茶香。頻煩野衲分清餉，更欲從鈔治圃方。

柔桑翦盡賸槎枒，尙喜濃陰雜樹遮。聽說今年蠶信好，滿村伊軋響絲車。

幾日櫻桃送滿筐，枇杷條又應端陽。看看直到楊梅熟，不斷山家夏果香。

西圃集卷四

四

山田幾畝綠秧齊，等著分龍雨。一犁筋帽蓑衣紛入畫，居然人在水村西。

綠陰如幄正風涼，還架蒲桃補屋當。卻笑華堂揮扇客，錯疑山徑盡驕陽。

健婦持家汲爨兼，新涼比戶女紅添。種來席草盈三畝，但織桃笙不織鎌。

荒祠報賽集榆粉，父老扶攜社酒醺。更有龍燈鬧涼夜，家家盼得日斜曛。

撮花時節要晴天，一斗花須換百錢。眞箇濃香論萬斛，

大千金粟是無邊。

山人以采桂粟爲撮花

又是西風稻熟餘湖鄉風物足村居疏林一陣飛黃雀
小市連朝賣白魚

佳種分來自洞庭簷垂金橘與香橙新霜一夜煊林薄
幾樹丹黃弄晚晴

濟勝須愁葛薛捫臥游祇向畫中論何如築室長松下
盡日看山不出門

日日峰頭去採樵近來薪價喜偏饒長笻掃得殘枝葉
好付山廚拉雜燒

冰花滿地掩柴關木落厓枯萬象閒澗水一泓清見底
不隨濁浪到人間

西園集卷四

五

谷口延來郭橐駝朱門特遣逸喬柯難禁園戶貪論值
祇惜千草出澗阿

曲徑宵來凍雪封空林寂寂斷行蹤瓦盆尙有冬春米
說與袁安定羨農

大熟纔過小熟來一年生計要栽培山農屈指十八熟
今歲全豐笑口開

山中以蠶爲大熟其餘麥稻
及花果雜植凡一年十八熟

負曝南簷坐圃翁全家布褐暖烘烘蠟梅競采冬前素
寒菜新醃雪裏洪

梁燕曲

梁間燕梁間燕年年三月常相見茅堂飛繞百千回主

人知爾巢痕戀屈戌先期早遣開承塵舊日休教換香
泥蹴踏喜新晴十日經營宿壘成蜨舞蜂酣都莫管雙
飛雙宿不勝情春風要譜將縱曲何必珠樓與金屋杏
纈纔飄雨點紅楊絲又占煙痕綠清晝長來春盡後斜
陽不覺凭闌久殷勤憐爾話呢喃銜得青蟲飼黃口翠
尾斜拋慣觸簾紅襟瘦立頻窺爝煙波無限海天思卻
爲營巢學守雌半月清音聽上下一朝弱羽長襜褕襜
褕漸欲思翩舉上下還勞教數飛高飛教汝上枝頭枝
頭風擺使人愁低飛教汝穿簾底簾底人來怕驚起回
翔切莫近朱扉昔日朱扉蘼草肥我有綠波三萬頃菰
煙蘆雪任因依年年約爾常相見閒坐茅堂看爾歸

西園集卷四

六

山中食楊梅

楊梅五月誇吾吳銅坑之產天下無昔人並稱南海荔
卻笑曾被紅塵驅九重之尊不可致何況奇賈空趁起
山中老圃擅口福長夏灌漱如醍醐甘鮮雲液絕比擬
色味隔宿迴懸殊美人但堪玩深闌傑士直欲韜名區
年年野航趁風日覆以藕車盛以簾坐令人市凡果伍
顛顛尙薦豪家廚點鹽俊味詫遠客調冰清讌追狂奴
豈知山村綠樹合青露乍滴紅靈珠藥壚茗椀悉屏棄
丹丸一嚙煩疴除安山之西結茅住筠筐日饋疑輸租

近來百爲與世左猶幸此計殊非疏

遲石湖張猗蘭漏不至

碧雲渺渺正愁予讀畫思君慰索居竿日漸移花霧散
閒看蝴蝶上階除

儻約頰添鑪火温碧梧陰裏掩重門主人午睡酣清夢

夢訪石湖蠡墅村君居蠡墅

柳如是像

槩几湘簾轉眼空飄零紅豆泣東風幾人閒度滄桑劫
官職聲名誤乃公

一池清水照紅顏勸死會聞大節爛榮木樓頭重弔古

西圃集卷四

七

可堪塵夢落雲間

小至後六日三松堂消寒第一集同仲弟及子觀

保康保姪介繁畫師張猗蘭適至遂屬寫圖紀

以二律

天寒商略把吟卮正是身閒病減時尙有黃花矜晚節
可無紅萼伴清姿尋山且待東風約讀畫剛逢舊雨期
此集便爲眞率會門前冠蓋請先辭

光陰漸覺綫痕寬弟勸兄酬興未闌樂事團欒天肯與
生涯冷淡我能安畫詩書外無新尙松竹梅間有古歡
更約圍鑪同索句六花飛舞上毫端

猗蘭寫圖成疊韻奉酬

一樹先酬酒一卮圖成剛趁薄醺時閒身似鶴輕無累
秃管生春健有姿湖墅吟筇須伴侶石田老屋想襟期
明春約奉訪蠡墅忘形相對容疏懶我未思眠客莫辭

掃除塵慮覺心寬纔了催租歲未闌開徑偶然師蔣詡

閉門何處覓袁安傳聞拓館招賢廣倉垣有建造貢院之議轉盼

收城唱凱歡聞西師連得勝仗春到蝸廬寒盡日鵲聲應有噪

檐端

消寒第二集贈胡芑香並示弟姪兩兒再疊前韻

記訪山樓共酒卮梅花一別又經時前年正月曾一至君吳山一點樓小

西圃集卷四

八

飲眼前竹樹自新意腕底煙雲無定姿俯仰漫留陳迹

感招邀且踐素心期不教熱客來參坐只恐先生要固

辭

園蔬種得半弓寬塵土東華夢已闌報國無才宜守

拙傳家有願但遣安牽衣笑看兒童戲得食閒聽鳥雀

歡詩句果然成吉讖滿筵喜氣上眉端十二日官軍收復澗州

芑香寫梅一枝漫題其上三疊前韻

待放疏英照玉卮凍痕猶鎖曉寒時閒敲白石詞中句

忽覩元章畫裏姿一紙香生春已動六朝樹古夢爲期

虞山昭明臺下有六朝古梅一株數年前爲某觀察移去石樓銅井攜君去徧寫繁

葩料不辭

錯認茅堂粉壁寬一枝瘦格映燈闌蹇驢折去吟偏適
雛鶴栖來睡易安竹外喜神摹淺笑杏前芳訊逗幽歡
燕支若仿寒閨課宜在高人紙帳端

消寒第三集贈張護航同年元培四疊前韻並答

和章

重展詩壇更洗卮扁舟昨夜到門時君新自
婁中至談經席古
看高坐鬪韻詩新擅別姿西圃要酬聽雪約南園應有
討春期匆匆急景飛騰去牛耳推君請莫辭

西圃集卷四

九

起稿應甘避子安百里彈冠真小試十年下榻有餘歡
庭階盡列春風坐看把金鍼度錦端

答尤璞如錫五疊前韻

加飯先教滿引卮病魔戰退喜同時君與余同患
若一年始愈支牀
我欲參龜息披氅君猶鍛鶴姿臨頓幽棲乘興熟梁溪
小集誦芬期貞松慈竹長無恙富貴何妨脫屣辭君所
居奉

母之室有古松一
林方竹數十竿

鳶魚悟得境原寬到眼生機玩未闌君喜
放生欲覽名山雙

屐借明春約同
游鍾吾曾經滄海一帆安君曾館崇明住
來海上者兩載冬烘

莫笑青氈舊臘味同傾綠蟻歡最羨歲除遣易了更無

租吏叩門端

消寒第四集柬星齋弟六疊前韻

一笑同傾百歲卮

弟與余今年皆五十年

華漸老未衰時難忘帷

裏青燈味愛看階前玉樹姿清景休教忙後失壯懷細

數別來期荒齋敢擬衡山席卻幸匏菴不我辭

尙戀鷗盟水國寬

弟近屬張猗蘭畫秋水盟鷗圖

征帆欲挂又憑闌江

山助汝詩囊富風雪懷人旅枕安

級庭弟方北行

自有鼎彝承

舊澤漫勞絲竹佐清歡同堂笑說成翁早莫怪星星點

鬢端

余與弟及仲弟皆四十前後抱孫

卽席贈玉泉弟七疊前韻

西圃集卷四

十

玉山頽倒覆瓿卮情話春明又一時

甲辰乙巳間弟與汪水部藻在京師

談謔最密余亦時與焉

桑梓重來能盡款芝蘭初長已含姿清泉

白石空塵涅蒼壁黃琮與古期

弟收藏文石甚夥近又得漢玉數枚賞玩不置

座上無人談齷齪怕君逕起拂衣辭

大白澆胸塊壘寬看君起舞席將闌自成俠骨生來傲

莫說閒身養處安

弟所居曰養閒書屋

五夜嚴關纔息警萬間廣

廈又騰歡

皆近事

東南稍喜橈槍斂尙有霜華躍劍端

臘月五日攜

康保

山中探梅五宿香雪草堂八疊

前韻歸呈同社爲消寒第五集

暫謝吟儔煖閣卮來探芳信二分時香迴來澗風生簾

樹有晴煙玉弄姿野磴最宜容久坐疏筇那肯負幽期
衝寒莫道成孤癖小鶴相隨喜不辭

長鑣託命十年寬邱壑經營課未闌地脈有泉疏井便
山居無市閉門安頻來看客兒童熟久與爲鄰父老歡
攜得新詩誇滿坐歸舟香雪壓篷端

立春前二日消寒第六集九疊前韻

六九頭開六集卮吳諺云春打六九頭客懷都到半酣時風前巾
幘添毫繪雪後園林沒骨姿沁齒快逢齋饗熟澆胸思
與茗甌期酒兵謝卻尋詩敵笑據吟鞍未肯辭

荏苒韶光放眼寬曉鐘初動夜初闌燈花豔暖全家喜

西園集卷四

十一

爆竹聲喧萬戶安望歲預翻占驗訣勸農爭聽踏歌歡
請看紅杏村童笠已挂春牛綵角端

答崑山徐緝楫秀才經會並柬朱緝甫同年成熙

十疊前韻

書帷暫卷共吟卮忽奉瓊瑤手重時雅會早刪金谷例
清談欣接玉山姿寫生妙染猶餘事君工繪事角藝新交似

夙期祇惜崢嶸催歲景同舟李郭又先辭君往來婁江每與護航結

同舟明日將歸度歲矣

舊榜貞元景運寬偶談故事到更闌君七世祖健菴先生爲康熙庚

戌第三人先鄉賢公以乾隆乙卯第二人相距一百廿餘載祝君蓬島重登易讓戎

滄江一臥安喬木猶存思述德 賜書能讀羨承歡同

年還憶朱夫子廿載相知取友端

緝甫每道君品請舍弟因延君課孫

臘月二十一日春朝試筆

桃符隔歲換蓬門彩仗鞭春郭外村只望明年秔米賤
頗知今日布衣尊瓣香迓福通神祝大藥忘憂養道根
避俗不書懷裏刺鄰翁扶杖話朝暉

徐家疇

春暉課讀圖

一編對松竹春滿奉親廬祝母無量壽願兒長讀書晨
昏有餘味甲乙況多儲何福還堪並三公定不如

歲杪酬桐橋漁隱貝閨生

信三

見和之作十一疊

西圃集卷四

十一

前韻

畫船簫鼓酒樓卮轉眼繁華盡歇時碧瓦紅闌惟月色
綠萸青笠自煙姿吟筒歲晚遙相和遊屐春來健可期
同是閒人忘俗例新年先把往還辭

擾擾楸枰一局寬騰騰米價歲方闌中年何限經哀樂
除夜幾家得飽安但祝兵戈能化劫未妨牡犴共追歡
蓬門獨喜春生早十幅蠻箋滿壁端

晨起松窗展卷再題十二疊前韻

淨埽窗塵設一卮偷閒便是得閒時莊樗自覺饒生趣
漢柳誰憐減舊姿袞袞青雲三品料堂堂白日百年期

溪橋聞道梅初放，逕上扁舟更不辭。

謾謾松濤一壑寬，擁衾詩夢曉初闌。密緘筒藥藏能久，
低插瓶花置易安。左右圖書聊遣興，東西鄰曲漫尋歡。
懸鉞倒薤慚家學，醉墨淋漓壓卷端。

和閨生除夕十三疊前韻

比戶同傾餞歲卮，一龕又到祭詩時。燈前淪茗清無夢，
雪後看梅澹寫姿。和靖因緣遺俗累，淵明情話證心期。
不須如願祈佳兆，利鎖名韁萬念辭。

勞勞塵海六街寬，屐齒聲中雨未闌。天遣今宵成結束，
人先明歲祝平安。卻將閒興添忙事，頗寫新吟寄舊歡。

西圃集卷四

三

憶否客窗寒守歲，鄉愁高壓鳳城端。

復和閨生元旦試筆十四疊前韻

戊午

一瓢香水注清卮，也肅衣冠慶歲時。康樂要登寰宇頌，
輕肥只稱少年姿。閒商野老催耕課，替選村童上學期。
贏得春明春夢醒，門前計吏請長辭。

光陰置閨一年寬，底事勞薪尚未闌。笑彼天明塵市息，
輸君昨夜睡鄉安。寒消殘蠟剛迎喜，暖入鳴禽亦弄歡。
屈指題詩人日近，春星應燦草堂端。

人日消寒第七集同弟姪兩兒十五疊前韻是日

期張猗蘭不至

漫誇桃杏對芳卮靜盼庭柯閱歲時一夜疏香回鶴夢
四傳嘉蔭拜虬姿買山有券休論價治圃無方只及期
除卻與閒還與健清名豔福總堪辭

樂地無如斗室寬倦來茶熟酒初闌長籤檢字推敲便
隱枕隨身偃仰安一飯謹嚴清晝坐百篇稠疊澹交歡
歲朝圖畫添新喜自展鴉叉小障端

分詠三松堂雜植拈得蘭薜荔十六疊前韻

手把離騷對酒卮紛紛蕭艾豈同時援琴獨鼓空山操
紉佩端宜絕世姿自古當門徒取辱伊誰入室早相期
有人曾掌春風柄許冠羣芳一笑辭

西圃集卷四

古

欲借爲裳製較寬初衣早遂宦情闌綠藤絕壁游忘倦
剔蘚殘碑讀未安喬木園林堪入畫顏垣風雨不成歡
女蘿自寫靈修怨又惹閒愁到筆端

十三日消寒第八集同汪秉齋

錫珪

鑑齋藻暨星

齋玉泉十七疊前韻

試燈風裏共銜卮壇坫高懷擅一時客向囊中探穎句
我於壁上看雄姿余以戒飲不八席花光漸欲浮春遠酒思何
妨卜夜期況是良辰須盡醉玉山未倒且休辭

漫勞車馬訪藹寬卻喜傾襟話未闌骨相天生差免俗
心情老去只求安風暄始覺貂裘重春至能添綺席歡

其說今年芳信早疏紅淺綠滿林端

答汪秉齋十八疊前韻

頻年霜皦對清卮豪氣元龍似
往時苜蓿豈堪償宦興
芙蓉祇自惜芳姿名園載酒尋
詩約畫舫呼燈按曲期
春水只愁催速去綠楊影裏玉
驄辭君方以郎官待銓

酒撲春襟似海寬
喜看佳氣溢門闌
風華小宋登科早
長厚諸王擇里安
投筆請纓當得意
送鉤射覆且酬歡
縱橫儘有垂天翼
笑我焦螟隱睫端

答汪鑑齋十九疊前韻

桃潭千尺比深卮
重墨絲蘿促膝時
水部工詩真有例

西圃集卷四

五

山中酒更多姿頻添鶴市尋
春興已負燕臺話雨期
好向青棠花下坐呼君
鶉鷓未應辭玉泉弟與君有膠漆之契詩酒之會

無君不樂因戲擬之青棠花室弟讀書處也

少年攀桂月宮寬
聽罷霓裳興已闌
三月鶯花春漸老
五湖鰕菜夢應安
閒來松石能相賞所居有一松一石之廬
契到

金蘭更締歡記得錦茵容我醉
高燒華燭照筵端

消寒第九集二十疊前韻

檢點盤辛婪尾卮
全家好是合并時
肯拋夜雨聯牀夢
閒看春雲出岫姿
世故那能窮變態
人生何幸際昌
期莫嫌萬事成疏懶
問水尋山總不辭

金吾不禁夜游寬燈火樓臺也易闌醉倒只應封麴部
夢回從未到槐安妄思翰墨千年壽難得壺觴一日歡
眞是春光關不住又看紅杏出牆端

贈仲弟二十一疊前韻

今朝眞飲對牀卮已到吟顛要禿時梨棗宛如前日事
松楸同撫卅年姿休談仙境三山夢未定游蹤五岳期
笑指頭銜依舊冷家風只把好官辭

鷺約鳴招一棹寬往來那許昔盟闌畫圖煙海看逾幻
詩集雲山度最安此意未容兒輩喻無儔何異友生歡
年來底事貪栽果要盼丹黃綻屋端

西園集卷四

六

喜女夫秦笛舫

北甲

至二十二疊前韻

傾盡芳筵三百卮曲終奏雅汝來時同參竹笑蘭言趣
可稱冰清玉潤姿坐客試嘗燒筍味攜餉嚶中燕筍小纔盈寸香味甚美
山農曾訂詩花期鄧尉山中老農顧二時往來君家蒔藝花木春深正要籃

輿昇煩作門生諒不辭

無營自覺寸陰寬習靜澆花意未闌善賈虛傳卿德累
宜家聽說我心安隔宵每恨雙橈滯蘇嚶往還隔宿始至終歲難

逢幾席歡莫惜響泉聲一弄松風吹上七絃端皆愛藝蘭善鼓

琴

早春至草堂檢校花事

入春纔一月萬彙紛作態宿卉雨餘怒新萸煙際媚窺
園已心動出郭益胸快山容若矜寵禽聲自明慧迢迢
望巖蘿欣欣遠塵壑晴光午更曠野氣夕彌靄小艇桃
源邊短扉梅影外樹了礙巾幘花片拂衣袂草堂尋舊
題林木似新畫分移半畝拓雜詩四時備結構出裁翦
宜稱在點綴天與閒工夫春當好機會此中有經綸其
妙謝雕繪買山微有資吟詩卻無債聊寫西崦樂又破
東坡戒城中十萬戶日高正春睡

送星齋弟還朝

記著青衫卅載前拍肩況共玉堂仙功名笑我成虛負

西圃集卷四

十七

聲望輸君已盛傳暗惜鄉園鷗鷺縈縈爭看庭砌鳳聯翩
石湖 詔許他年占蓑笠相期話雪顛

又題桃花紅煞釣人居圖

七字弟爲余題石湖春泛圖句也道州何子貞
前輩見而愛之爲賦七絕句張猗蘭爲繪圖

浮家只愛釣人艇餐是朝霞臥晚霞卻被詩人偷眼去
眼中紅煞小桃花

青山圍住白鷗家聽我扁舟好景誇行過行春橋畔路

一湖煙水浸桃花

秦人眞會覓生涯逢著仙源便住家須識翩然來絕境
當時原不爲桃花

春江水暖長蘆芽
雨染煙波問畫家
只有釣師宜入畫
綠蓑青笠襯桃花

十年朋舊念京華
春夢飄零別緒賒
何遜而今詩思豔
梅花不詠詠桃花

征帆從此隔蒹葭
好去簪毫傍翠華
記否江南好風景
景柴門閒煞野桃花

鑑湖他日老還家
詔許煙波占一涯
我是漁兒汝漁弟
還來打槳訪桃花

吟思未盡再衍七絕句

村溪幾曲艣吟啞
指點煙波畫裏家
紅煞斜陽天一角

西園集卷四

六

美人窈窕隔桃花

屋前屋後是山遮
半掩雙扉不用撾
棹得扁舟煙際去
客來叉手看桃花

東風著意弄天斜
烘染年光亦太奢
百卉任誇顏色好
算來紅不過桃花

仙人底事煮胡麻
生計漁莊十畝賒
昨歲湖鄉香稻熟
儂家粥飯也桃花

青帘飄出竹籬笆
小艇維來傍酒家
醉倒疏篷眠一覺
滿身紅雨是桃花

長隄漠漠捲黃沙
洞口無塵靜不譁
吹盡東風三萬樹

漁郎何處覓桃花

暗隨流水到天涯
茵溷從他感歲華
天上一枝和露種
春光讓與碧桃花

次韻太倉錢伯瑜前輩寶聚南園雅集詩

輕煙拂水面殘雪
棲林隈南園討春信
凍醒梅花堆舊日
老苔幹歎息冰霜摧
東風渡江早落英
已如掇詩翁命儔
侶筇屐相追陪
穆穆三賢祠瓣香
陳玉醉宮闈倚調
變一代鹽梅材
作詩本忠孝凌轢
七子才滄桑厯塵劫
江左詩壇開每歲於是日祭王文肅王兪州吳梅村三先生馨香潔溪藻
臭味聯岑苔梅花
作供養桃李皆與臺
古道寓風雅不隨

西園集卷四

十九

銅漏催詩翁引高唱
顏赤兩鬢皚一一似珠纂
探向驪龍頰

汪穉泉承慶唐園探梅圖用東坡松風亭梅花詩

韻

園爲明高士唐叔達故址在嘯城西隅程庭鷺繪圖并有游記

春風一夜來荒村
翠禽啼破梅花魂
舊是高人讀書處
餐霞嚼雪忘朝昏
斐東諸子健游屐
韻事直欲追南園
嚶溪之西曲復曲
蠻榼遠挈松醪温
俊游窮晷不知倦
歸踏夜月來晨暎
松圓居士妙被染
還家十日深閉門
題詩更與躡清景
俯仰不覺形長言
煙林彷彿記高阜

遲我暇日重攜尊

余於乙卯冬會一至其地梅花未開荒煙喬木徘徊片刻而已

消寒唱和詩共得一百五十餘首裝成兩卷山窗

清寂展閱一過時兩子俱北上應京兆試聊寫

近況郵示之二十三疊前韻

又向東風餞一卮展圖重憶好年時頗聞里巷傳佳話
敢信庭階有異姿世路艱難增別緒家園清麗念歸期
看耕誰似鄰翁福滿擔勞薪袖手辭

睡思曹騰一枕寬飛觴賭韻興俱闌身輕祇羨陶宏景
病臥猶慙管幼安時檢藥方資靜理偶披詩卷得真歡
菜萸遲爾歸來插應勝黃塵壓帽端

西圃集卷四

三

汪石心

正

輯木瀆詩存索題

靈巖山翠向窗橫鄴架籤題擁百城勝地自應傳慧業
高人原不要詩名煙雲過眼留遺跡文字論心待定評
我是扁舟來往熟一編好與證鷗盟

觀保

初入中書省詩以寄之

吾祖登薇省 先朝極盛時清名傾老輩佳話到孫枝
通籍慙無補歸耕幸未遲巢痕今汝認何限玉珂思

西圃集卷五

吳縣潘遵祁順之

次韻錢伯瑜前輩正月八日南園詠鶴

己未

古梅一樹記城南
蛻作林間縞羽毳
南園有鶴梅一株
數百年物也今已

萎佳日漫題妝
出五暖霏喜舞
瑞呈三修來仙
骨風披

擎養到禪心
月印潭添種
寒香伴清影
孤山何必勝
吾

弁

歲歲題詩到此園
清聲一一謝凡喧
白鷗只合盟蘆渚
丹鳳空憐止棘樊
且奏春觴新譜曲
已忘蓬島舊巢痕
風前遠唳如相和
吟徧雲廊與月軒

西圃集卷五

一
嚶城晚步

閒閒半掩燕巢忙
新綠成陰雉堞荒
縣小都無城市氣
春深不雜綺羅香
論園野竹多於水
背屋林檎爛似霜
偶向溪橋尋別徑
蔬花風裏立斜陽

雨後題武邱並東貝閨生

真是新晴錦繡文
濃鬢欲滴水生紋
寺從萬綠叢中出
船在百花香裏熏
下界笙歌喧急雨
上方樓閣冷斜曛
遙知絕壑風泉響
只許哦詩枕畔聞

仲弟沒一年矣欲爲詩文以弔之而至痛無聲泚

筆輒止秋窗岑寂怒焉予懷感歲月之不居恨

歡樂之難再聊成長句用抒悲膺

幾日牀頭笑語同微疴誰料命先終暑真可憚天何酷
春倘能回我竟窮醫卜未周徒負負死生永訣太匆匆
堪憐病起支離叟骨戰魂驚似夢中
戊午夏五余病初起弟無日不至余牀頭六月初旬毒暑弟忽遘疾六日而逝

出門何處覓朋儔四海論心賴子由任笑散材甘遜世
獨憐落葉早驚秋多情未免三生累有願都教一死休
悟得懸厓終撒手勞勞何苦上灘舟
弟早悼亡有六子者纔數齡委所生最幼

幾人真到百年時自古彭殤理莫知長厚如君偏止此

西園集卷五

二

清癯似我更依誰一經黽勉憐同志五岳虛無負後期
祖德留遺應尙遠不須重繫九泉思

相對孤兒泣數行祇餘手足藉扶將半生誓墓嗟何及
十載應官爲底忙遠道音書驚切切名山事業恨茫茫
與君再世爲兄弟莫更蹉跎誤對牀
癸丑吳門風鶴之警弟在京師寄書數千百言以余病軀爲念是冬卽棄官歸與余時往來鄧尉山中

壽陸雅安表兄儀七十

花前記我垂髫日松下思君捧硯時老輩風流餘翰墨

中秋月色照鬚眉
兄八月十一日生人生壽考眞堪頌族望靈

光況可師
兄新輯家譜告成同堂昆季中兄齒最長好把清尊屏絲竹陔南

喜聽采蘭詩

玉泉弟以中秋泛月橫塘詩見示次韻卽題其圖
今宵同看月古渡獨尋秋桂露侵詩袂蘋風上釣舟
懷燈影淡人語鶻聲柔暮雨瀟瀟曲他年記此游

訪閩生不值留題簡園

金臺酒暖劇論文舊雨天涯定憶君
謂張護航同年塵世浮名
隨逝水故山清夢託歸雲只餘香火三椽守猶喜煙波
半席分莫向中年提舊感哀絲豪竹不堪聞

閒雲蹤跡悟因依歸鶴亭成過客稀已種梅花待明月
獨留松影對斜暉此生竟作林和靖他日應傳丁令威

西圃集卷五

三

欲上山樓看秋色薜蘿千尺掩雙扉

胡芑香自寫小照屬西湖馮栖霞箕補耐寒圖蠡

墅張猗蘭添畫遠山梅徑

不是先生喜耐寒天涯無路雪漫漫閉門自寫清癯影
要共梅花一例看

眼看孫曾到白頭驚心風木尙含愁數椽願把清貧守
寫徧青山不下樓

柴桑歸隱十年身多謝頻番替寫真好向東籬邀共醉
耐寒花對耐寒人

種竹栽花畫裏詩卽論圃事亦吾師生來自抱煙霞癖

莫怪孤芳不入時

四面山圍老屋低素心相訪路愁迷爲君重補蒼苔徑
好待春風一杖藜

登靈巖並游蔣氏山莊

停橈引我叩巖扃一路煙光簇野亭自笑孤踪成石隱
莫教清景負山靈春游尚記詩留壁秋色眞疑畫作屏
池館興衰休更說梵王宮殿亦飄零

閒上籃輿石徑通疏林拂面是霜風幽崖俯去寒潭碧
峭閣憑來老樹紅屢響浪傳移月下鐘聲空自出雲中
琴臺咫尺勞相望腰腳年時已不同

西園集卷五

四

江南春詞用雲林先生原韻

庚申

婪尾春盤薦櫻筍綠陰不動蒼苔靜斑鳩帶雨時一聲
五湖夢想青蓑影鴛瓦鱗鱗霜尚冷吳儂十萬戀煙井
秣陵聞道徧紅巾可憐白骨揚成塵去颿遲歸騎急
酒痕翻沈春衫溼桂苒年華老將及世間萬事朱成碧
千里征人念鄉邑望春何處憑高立風光流轉到浮萍
閒看柴門燕壘營

許鶴巢茂才

賡颺

小照

一卷巾箱集君家世澤長湖山擅清福翰墨發奇香舊
雨交偏淡新秋氣已涼東籬想標格把酒感滄桑

君家自宋

南渡時卽居光福代有聞人尊甫鳧舟先生葺許氏巾箱集行世又愛藝菊著東籬中正一卷論種澆法甚詳先大父每遊鄧尉必造君家先生沒後不通問者數十年僕今歲始識君焉

山居避亂五閱月矣九月初七夜風雨中爲惡氛

所迫倉皇挈家入太湖過洞庭逕達申浦越一

月得許鶴巢草堂寄懷詩三章次韻答之

栽花種竹徧疏廊五載經營有此堂垂老心情憎俗累
多艱時世願身康全家餽粥叢煙火一病頭顱滿雪霜
境與胸違聊自遣白雲猶喜護山莊

火急殘宵客路匆喧傳怪事詭兒童天留險阻誰如我
人道聲名誤乃公猿鳥有情應恨別琴書無分始傷窮

西圃集卷五

五

一湖風雨孤篷底苦憶山窗暖日烘

望穿江潒耀旌旗消息傳來半信疑直向海天揩倦眼
祇餘鄉月照愁眉羣公高座爭談鬼退士寒窗學守雌
何日還山尋舊雨重來西噏狎漁師

復和錄別篇

人生處安樂不知憂患乘憂患非一端何況烽煙驚闔
閭城中十萬井轉眼繁華一朝盡飄零無限傷萍梗我
獨何人不受羈十年卜築山中栖藥鑪茶臼閒雙扉享
得清幽不知福滿林風雨秋聲作驀地傳來寇氛惡倉
皇老僕扶我行衝泥夜踏山中程可憐婦稚不知苦疑

有鬼神相拄撐人心險巖不可料一時競作虎狼嘯聖
人尙爲微服行吾儕奚免窮途笑咄咄事眞可哀蕭條
顧行李片帆指東開七十二峰渺何極直欲海上尋蓬
萊世路茫茫向誰是荆榛滿地風波起全家猶得其偷
生且把光陰付流水吁嗟乎成連渺渺知音絕一輪悵
望海天月側身來傍蛟龍窟回頭獨憶草堂空尙有殘
笑照水紅青山無恙故人在夢繞疏籬還倚筇故人贈
我相思引苦吟夜夜敲山枕勸君莫作別離聲江湖多
少哀鴻影

前明徐文定公家書手跡爲裔孫

士榮題

西圖集卷五

六

栽桑種麥足願生瑣瑣家言見性情太息全書農政在
東南何地可躬耕

三百年間劫火餘尙留殘墨護精廬可憐萬卷飄零後
我亦來依海上居

旅況

辛酉

旅況蕭然靜掩關祇餘覓句可消閒貧來奴婢心情懶
病去筋骸血氣慳兒爲飢驅難侍側孫因學廢易成頑
老妻相對渾無語寂寞浮生幸未齔

故山

故山枉費草堂資自別松楸又一時耕讀漫期兒輩守

姓名常恨世人知得延暮景重棲止惟仗清芬好護持
今日歲寒冰雪裏梅花如我最相思

沈福堃參禪圖

識字始憂患有身卽煩惱富貴不可期坎軻令人老少
年學觀空得毋譏太早維摩善知識疾病苦顛倒我佛
大自在諸相悉照了蒲團一放下塵柄落塵表從來綺
語障慧劍不能掃一笑問坡仙此圖信鴻爪

客窗寓感

平居最不願干人亂後空留護落身豈以寡交成獨立
可知薄德致無鄰餘生幸免猶先澤逆旅相逢總夙因
倘許黃花尋舊徑要將晚節盼陽春

西圃集卷五

七

許鶴巢和作疊韻答之

原知萬事不由人可奈天涯寄此身竹葉強逢新歲客
梅花愁憶故山鄰恨無慧業棲仙境賸有冥心證佛因
卅載安排成鑄錯祇宜寂寞對芳春放翁詩昔人言可
用第一忌安排來
詩有何計安排客
卿春之句故云

再疊前韻贈鶴巢

汝是名山久住人飢驅誰遣負吟身孤兒淚盡初辭墓
新爲太夫人營葬畢獨客心驚未卜鄰梁燕倘容償後約屋烏須
信有前因寒梅一別無消息濁酒聊回客面春

三疊前韻懷蠡墅張猗蘭

萍蓬滿眼故鄉人不見飄然鶴立身翰墨有時難免劫
煙霞何處許爲鄰芒屨布韞應無恙茗椀詩筒那有因
昨夜溪山曾入夢扁舟似訪石湖春

四疊前韻寄胡芑香海門

憐君已是古稀人猶作天涯乞食身佳約尋山眞隔世
羈游入海尙比鄰聰明孫子堪排悶離亂家鄉莫問因
咫尺沙鷗勞悵望幾時重話一尊春

五疊前韻寄星齋弟京師

紅煞桃花護釣人桃花紅煞釣人居弟爲
余題石湖春泛圖句也君應憶我畫

西園集卷五

八

中身那知烽火連新壘無復煙波結舊鄰黃閣 絲綸
聞屢下白頭蓑笠悵何因前送弟還
笠相期話雪顛之句山林鐘
鼎都如夢夢斷江南塞北春

又寄紱庭弟六疊前韻

羨爾簪毫有替人仙園早養遂初身忽傳 警蹕如雷
動可有樓臺與月鄰常日親朋增感喟亂時兄弟失依
因長安米價知多少薺麥青青又好春

七疊前韻贈玉泉弟

三千里外乍歸人捧 詔依然報 國身寒士爭求羅
廣廈故交且喜結芳鄰謂馮景
亭前輩同堂那免飄零感異地

偏逢會合因同堂兄弟十一人存不及半眼前惟余一人耳知有殷憂在桑梓
凱歌側耳盼新春

海上一首八疊前韻

欲尋海上狎漚人多恐翻成逐臭身道喪神祇猶失職
途窮鬼蜮與爲鄰古來困餓知何限今日瘡痍信有因
不道亂雲天一角蠻花犴草尙濃春

九疊前韻贈汪秉齋

半年已分別離人驀地相逢患難身作客方知情話切
卜居聊與市廛鄰天邊雁字平安信鑑齋在浙東海上鷗盟
船趁因一領綈袍風雪裏感君嘘拂頓生春

西圃集卷五

九

十疊前韻寄汪鑑齋山陰

我來海上作羈人君已風波怕插身名畫法書空有癖
茂林修竹自成鄰塵絃易醒悲歡夢君新喪偶泥爪難參去
住因莫負對牀聽雨約連宵頻卜一燈春聞又將來滬

十一疊前韻贈章鐵珊廣文

安行

典型尙有老成人十載栖遲冷宦身常愛盤飧蔬圃味
已荒講席杏壇鄰學舍被占君賃屋以居傷時屢見塵沙劫結習
難忘香火因羈客漫勞頻過問挹君懷抱總如春

十二疊前韻懷妹婿汪杏春

景純 杭州

湖干風雨太愁人同是艱難閱歷身哀樂都成今日夢

余同產三人癸丑妹舊居與君同巷鈞游莫問舊時鄰十年宦

海升沈感兩月家山聚散因聞道西泠笳鼓急幾多煙

柳尚搖春

容歲七月君避亂來山中相聚五
十餘日重陽前遇警君遂起杭

十三疊前韻贈馮景亭前輩

桂芬

疏慵愧我不如人著述看君已等身差喜林泉容結侶
豈知萍梗尚爲鄰前賢事業皆陳迹吾輩功名信幻因
最憶唵西高臥處耕漁軒外水浮春

十四疊前韻寄張護航同年

卅載名場角藝人今朝席帽乍離身門牆早重邊家笥
里巷爭誇孟氏鄰晚到大羅知有命舊聯吟社恨無因
歸來聞借茅茨隱未減萊衣笑語春

西圃集卷五

十

重有感十五疊前韻

六州鑄錯自何人毛土誰非食踐身覆轍豈勝車作鑿
橫流惟是壑爲鄰已窮物力籌無補未死民心勢可因
痛哭杜陵回首望干門深鎖曲江春

胡桂巖

國俊

鄉之老諸生也當軸者令譏齊女門

出入數年能盡職不自多其勞故甄勞常不之
及泊如也客歲閏三月晤於敏慎堂時風鶴已
迫傷時之次遂有田廬屋舍之感未幾城陷阻
絕逾半年茲從鄉僻遠寄手翰辱以余夙共臭

味贈詩一章君老矣同仇敵愾之氣猶躍躍紙
上余劫火餘生支離病骨因君此詩又觸悲憤
乃次韻答之

生長乾嘉極盛時今朝親見弄潢池百年廬舍全飄沒
半壁江山孰主持吾輩有心空怨恨天公無暇念支離
原知否泰循環事何日東南露布馳

春日雜感

怕問春消息花前有淚痕蝶蜂空障路風雨不開門怨
疊琴三弄愁澆酒一尊尋芳猶昨夢零落幾人存

苦憶茅堂裏空梁落燕泥山中尙凝佇海上忽羈栖城

西圃集卷五

十一

郭餘悲涕園林沒舊題從來飄泊恨只恨夕陽西

再拜雲林閣沈香動百斤緘廚常什襲啟櫝必三熏大
米船能載君苗硯已焚人間孤賞在過眼付煙雲

半畝栽蔬地平生愛短籬英雄吾豈敢饕餮彼何爲造
物憎微尙流年懼薦飢城南有僧舍春綠護茅茨

何計堪娛老隨身止藥囊自憐多病客難逐少年行午
甌炊山朮晨甌屑水薑吾生澹如此白日爲誰忙

雜題香雪草堂花木二十四絕句草堂手植不下

百餘種而所詠止此卒卒遭亂遂不復作辛酉
暮春錄存之

柏

司徒廟前樹千年辟精魅我欲分靈秀山扉擁雙翠

桐

清陰記手種御喜添孫枝掖垣雖有夢鳳岡匪我思

梓

買山得嘉樹良材不忍棄瞻橋人過望維桑吾素志

楓

掩關遠塵事詩在夕陽中特地栽秋樹要看霜葉紅

椿

漫頌八千春其生實灌木香芽屑玉鹽山廚春筍熟

西圃集卷五

十一

柳

元亮怕折腰卻愛風前姿一株聊當五補入柴桑詩

櫻

種藥備不時珍此觀音柳春晚報花開纖紅映蘿牖

梅

築室香雪海逃禪寫我心柴門須緊掩游客莫相尋

蘭

非徒慕靈芬亦復賞幽韻庭階護春風莫遣蕢施近

玉蘭

羣芳無此白玉樹愛其名願乞東皇護花開十日晴

杏

春雨一枝豔江南歸思濃長安任年少十里馳香紅

桃

餅桃弄朱白淺深俱極妍聚塢春如海仙源在眼前

牡丹

對人矜富貴伴我苦參商擲向疏陰下居然壓眾芳

丁香

繁英吐紫白臨水翥雙鳳古寺記尋春軟紅觸塵夢

芍藥

怕說贈將離何用開金帶但期春滿欄狂香助清醉

西園集卷五

三

薔薇

滿架引不盡綠陰隙剛補釀成百和香繡作五雜組有紅

白黃
三種

玫瑰

偶從竺塢過甜香論畝種效顰栽小畦蓓蕾已堪頌

野薔薇

刷根識營實風疾療齒牙採花釀清露三熏展畫叉

月季

羣芳易銷歇獨占四時春常愛冰霜裏疏籬點綴新

桂

秋圃富金粟家家萬斛儲余亦賦招隱小山栽數株

枇杷

葉題晚翠閣花抱款冬心飽喫端陽果磐陀坐綠陰

柿

亦從買山得非因肄書種留將霜顆紅新年作清供

娑羅

佛香詠須靜靈根華頂峰分移一株蔭獨占此山中

竹

最愛綠千竿一鞭笑初引終當關數弓戢戢看春筍

上巳後三日章鐵珊招集一粟菴同人集禊帖次

西圃集卷五

古

韻

林亭娛永日禊詠盛當年寄寓能無感觀時自有賢倦
懷攬修帶虛抱託清絃極目隨湍浪興嗟一仰天

浪迹悲今日清流契昔年相將蘭若敘猶是竹林賢盡
日隨興詠臨風喻品絃古人嗟不作老矣聽之天

當春引和氣於水感流年靜者期同列時哉仰大賢朗
懷咸有作幽契在無絃暫寄遊初地遷流合信天

九死一生後放情期永年及時同此會覽古有諸賢曾
詠故山竹每懷流水絃春風猶在抱萬感信由天

再和一首題一粟菴

人世嗟風浪山林引歲年羣生成自得菴有放生池長老亦

殊賢

謂懷德方丈

竹趣虛臨水蘭修靜契絃無言觀大化極

樂在諸天

自題蓮峰訪道圖

天平山中多白雲白雲隔斷無紅塵下有禪房各深秀
一一花竹藏山門范家功德照林壑煙際時時見樓閣
泉聲縹緲風中聞拾得苔梯看珠箔中峰一綫白雲通
聳肩側趾披蒙茸忽然身在白雲上湖光一碧天濛濛
我時自矜腰腳健更欲窮幽遂忘倦脫巾掛樹且小憩
失卻吟筇尋不見天風吹袂若無憑竟躡煙霞到上層

西園集卷五

十五

疊嶂重巒盡俯首一峰宛結蓮花形蓮花峰畔有雲扃
深鎖青蘿叩不磨一縷梅檀出巖戶似聞人誦蓮花經
我時恂恍如有失疑是羽客疑高僧又聞野老漫傳說
隱者乃是故將軍將軍親見蟲沙劫一朝遁跡離塵纓
白雲深處來高臥不欲人間道姓名世路茫茫洞門外
滄桑轉眼乾坤大當時換骨少金丹一別山靈那能再
人間富貴本浮雲蒼狗白衣空作態峰頭想像蓮花開
定有仙人披葛帔

自題南山枕流圖

洗耳高風渺千載後賢遂有枕流思吾生況苦聞根濁

要借澄波一洒之

淵明曾道悠然見切莫回頭去應人記得潭西石壁下
片帆飛過已迷津

爲人題秋夜讀書圖

秋堂一雨卷飛蠅漸有涼颼動玉繩埽卻軟紅塵十丈
卻尋滋味到青燈

金井纔看一葉飄打窗還聽竹蕭蕭近牀月影清於水
未要蟲聲伴寂寥

滌硯焚香靜課添黃昏風雨不開簾銅壺漏盡初寒夜
又展紅牙第幾籤

西園集卷五

十六

川沙沈韻初孝廉

樹鏞

邀至村居讀書題王蓬心

太守贈郭匏雅學正探春送別圖合卷後用卷

中翁覃溪閣學詩韻先大父亦有題句

沈郎招我讀書齋窗下一几明於措宋元妙蹟迄 昭

代展卷輒與古人儕偶然似欲試老眼芳蘭盈把攬荆

柴平生愛畫似探勝巖壑踏破雙青鞵珊瑚木難紛著

錄自信眞賞羣疑排倦來忽得小點染幽花兩樹臨絕

厓婁東宗派盛家學筆墨精妙能開懷探春送別念疇

曩停雲落月閒庭階飄零今日況萍梗惟餘一硯隨身

借卷中詩句動深慨曹騰剪燭傾如淮感君繾綣惜風

雨明日送我村西街

庚申六月吳江縣黎里鎮馮副貢

經

徐秀才

泰吉

陳秀才

嘉

禦賊死事里人爲徵詩

松陵驛前碧血腥
鬼頭潭外野火青
書生殺賊力易竭
夜雨荒村淒柝鈴
可憐大好煙波宅
菱葉蘋花弔貞魄
他年俎豆壓三高
留與漁蓑話陳迹

